

四庫未收書輯刊編纂委員會編

四庫未收書輯刊

北京出版社

玖輯・拾貳冊

四庫未收書輯刊

四庫未收書輯刊編纂委員會編

北京出版社

〔清〕張璐撰

孫真人千金方衍
義三十卷・之二

清嘉慶五年掃葉山房刻本

玖輯・拾貳冊目錄

孫真人千金方衍義三十卷・之二
〔清〕張璐撰

矩線原本四卷一線表用六卷

推步惟是四卷學算存略三卷
〔清〕安清翹撰

秘抄本地理一卷
〔清〕不著撰者

地理述八卷附地理述發明一卷

貴陽省城移向說一卷
〔清〕陳詵 陳應麟撰

陽宅正宗二卷
〔清〕姚承輿撰

廣象徹微二卷
〔清〕馬惠撰

七四五

七一九

六三七

六〇一

二九三

一

〔清〕張璐撰

孫真人千金方衍
義三十卷・之二

清嘉慶五年掃葉山房刻本

孫真人千金方衍義卷二十

長洲醫館孫玉著

南沙醫館廖客校

消渴淋閉方 凡四類

消渴第一 論六首 方五十三首

論曰凡積久飲酒未有不消渴然則大寒凝海而酒不凍明其酒性酷熱物無以加補炙鹽鹹酒客耽嗜不離其口三觴之後制不由已飲噉無度咀嚼鮮醬不擇酸鹹積年長夜酣興不解遂使三焦猛熱五臟乾燥木石猶且焦枯在人何能不渴治之愈否屬

千金方衍義卷王

孫玉著

在病者若能如方節慎旬月可瘳不自愛惜死不旋踵方書醫藥實多有效其如不慎者何其所慎有三一飲酒二房室三鹹食及麵能慎此者雖不服藥而自可無他不知此者縱有金丹亦不可救深思慎之又曰消渴之人愈與未愈常須慮有大癰何者消渴之人必於大骨節間發癰疽而卒所以戒之在大癰也當預備癰藥以防之有人病渴利始發於春經一夏服栝萸根豉汁得其力渴漸瘳然小便猶數甚晝夜二十餘行常至三四升極瘳不減二升也轉久便止漸食肥膩日就羸瘦咽哽唇口焦燥吸吸少氣不

得多語心煩熱兩脚痠食乃兼倍於常而不為氣力者當知此病皆由虛熱所致治法可常服栝萸汁以除熱牛乳杏酪善於補此法最有益

治消渴除腸胃熱實方

麥門冬

茯苓

黃連

石膏

萎蕤

人參

龍膽

黃芩

升麻

枳實 五分

生薑 屑

枸杞子 外臺用 地骨皮

栝萸根 各十 分

右十三味為末蜜丸如梧子大以葎根一升粟米

千金方衍義卷王

孫玉著

三合煮汁服十九日二若渴則與此飲大麻亦得

又方

栝萸根

生薑 各五 兩

生麥門冬汁

蘆根 切各 二升

葎根 切三 升

右五味豉咀以水一斗煮取三升分為三服

消瘳有上中下之分究其源總由腎氣式微不能

蒸發津氣於上所以燥渴不止內經雖有鬲消肺

消熱中消中消瘳肺瘳肺藏寒熱相移之不同瘳

不因陰虛不能制陽所致所以金匱首推腎氣丸

主治消渴小便反多即內經心移寒於肺肺消飲

一洩二亦是君火失政陰火憑凌肺金總有客熱
 食水下焦真陽失守而洩便反多其次則五苓散
 以導熱滋乾并取文蛤之鹹寒以治渴欲飲水不
 止三方為消渴之扼要千金深入長沙之堂得金
 匱肯腎雖能取法乎上效用附桂而廣鹿茸羊腎
 加減腎瀝湯等治必竟泰地水土剛強所患多實
 少虛所以確遵內維熱中消中不可服芳艸石藥
 之禁而用清熱滋津信手合轍如此方之用麥門
 冬萎蕤以滋上燥黃芩黃連以清實熱石膏桔梗
 以治燥渴人參茯苓以滋津氣升麻以升清陽龍
 膽以降濕熱枸杞除熱中消渴枳實泄上下諸氣
 生薑通固結之津服用茅根粟米清胃止渴兼能
 壓丹石毒全以解熱為務詳本方枸杞用子以滋
 腎家耗散之津外臺用根以清三焦鬱蒸之火活
 法在人不用固執而又方用麥門冬三根俱清熱
 滋燥之品兼取生薑通行津液而渴自止矣

茯神湯 洩熱止渴治胃腑實熱引飲常渴方
 茯神二兩外臺 知母四兩 萎蕤四兩
 栝蒌根 生麥冬各五兩 生地黃六兩
 小麥二升 淡竹葉切三升 大棗枚一

右九味咬咀以水三斗煮小麥竹葉取九升去滓
 下藥煮取四升分四服不論早晚若渴即進非但
 止治胃渴通治渴患熱者

衍方中皆滋培氣血清火安神之味專取小麥大棗
 調肝氣運脾津以治肺胃之標熱

猪肚丸 治消渴方
 猪肚一具治 黃連 粳米各五兩
 栝蒌根 茯神各四兩 知母三兩
 麥門冬二兩

石六味為末內猪肚中縫塞安甑中蒸極爛乘熱
 入藥臼中搗可丸如硬加蜜和丸如梧子大飲服
 二十九日三

又方
 黃芪 茯神 栝蒌根
 甘艸 麥冬各三兩 乾地黃五兩
 右六味咬咀以水八升煮取二升半去滓分三服
 日進一劑服十劑止

浮萍丸 治消渴方
 乾浮萍 栝蒌根等分
 右二味為末以人乳和丸如梧子空腹飲服二十

九日三三年病者三日命治虛熱大佳

衍本經言浮萍下水氣止消渴以其能開發腠理通

行經脈也前方以衛氣不固津隨汗泄而渴故用

黃芪此方以肺氣固結津不行而渴故用水萍兼

取栝蔞根協濟以建清熱止渴之功

治消渴日飲水一石者方

鉛丹 二兩 附子 一兩 葛根

栝蔞根 各三兩

右四味爲末蜜丸如梧子飲服十九日三渴則服

之春夏減附子

千金方卷之三

衍鉛丹鎮攝濁陰附子開通陰結葛根宣導脾津栝

蔞根清解熱渴標本兼該之治此方得之

黃連九 治渴方

黃連 生地黃 各一斤張文仲云十斤

右二味絞地黃汁漬黃連出曝燥復內汁中令汁

盡曝燥乾爲末蜜丸如梧子服二十九日三食前

後無拘亦可爲散以酒服方寸七

衍黃連清燥膈上之熱生地滋培下焦之陰畢竟苦

寒傷中病即止不必盡劑

栝蔞粉 治大渴祕方

深掘一大栝蔞根厚削去皮至白處止寸切水

浸一日一夜易水經五日取出爛搗碎研之以

袋濾如出粉法乾之水服方寸七日三四亦可

作粥乳酪中食之不限多少取瘥止

又方

栝蔞粉和雞子曝乾更搗爲末水服方寸七日

三九服亦可

又方

水和栝蔞根爲末水和服方寸七亦可蜜丸如

梧子大服三十九

千金方卷之三

又方

濃煮竹根汁飲之瘥止

又方

漬豉汁任性多少飲之

又方

以青梁米煮取汁飲之以瘥止

衍栝蔞根本經首言治消渴身熱煩滿濾粉煮粥作

散爲丸無不宜之 竹根清心解煩 香豉汁除

煩解毒 青梁米解涸生津與粟米不殊或云卽

青菰米功專止渴解煩總皆清胃之品

論曰夫內消之為病當由熱中所致小便多於所飲
 令人虛極短氣夫內消者食物皆消作小便又不渴
 正觀十年梓州刺史李文博先服白石英既久忽房
 道強盛經月餘漸患渴經數日小便大利日夜百行
 百方治之漸以增劇四體羸憊不能起止精神恍惚
 口舌焦乾而卒此病雖稀甚可畏也利時六脈沉細
 微弱服枸杞湯即效但不能長愈服鉛丹散亦即減
 其間將服除熱宣補丸

枸杞湯 治渴而利者方

枸杞枝葉 黃連

栝蔞根

甘艸

石膏 兩三

右五味咬咀以水一斗煮取三升分五服日三夜

二劑者多合渴即飲之

鉛丹散 治消渴止小便數兼消中方

鉛丹

胡粉

甘艸

澤瀉

石膏

栝蔞根

赤石脂

白石脂 附後

右八味各五分治下篩水服方寸七日三壯人服
 七半一年病者一日愈二年病者二日愈渴甚者
 夜二服腹痛者減之九服亦佳每服十九傷多令

人腹痛 張文仲云腹中痛者以漿水下之備急方
 此藥了經三兩日宜燭煮羊用肚空腹服之或作
 丸兼煮散將息方見
 外臺第十一卷中

行 栝蔞根專瀉三焦氣分之火火在上者枝葉尤宜黃

連瀉心下實熱栝蔞治肺胃燥渴甘艸解毒安中

石膏清胃止渴兼解石藥之胃 鉛丹胡粉赤白

石脂鎮攝痰涎分走血氣石膏解石藥毒甘艸解

草藥毒栝蔞專主消渴澤瀉兼治水逆二方總解

熱毒一解上熱一化下毒然病真則藥假神丹不

能起陽也

千金名義卷主

茯神丸方 集驗名除熱宣補丸

茯神

黃芪

人參

麥冬

甘艸

黃連

知母

栝蔞根 各三

兔絲子 各三

菴蓉

菴地黃

石膏 各六

右十二味為木牛膽汁三合和蜜為丸如梧子大
 以茅根煎湯服三十九日二服漸加至五十九

酸棗丸 治日乾燥內消方

酸棗 一升

酸安石榴子 各五

葛根 各三

栝蔞根

茯苓 各三

麥冬 四兩

石蜜 四兩

桂心 一兩

烏梅 十枚

右十味爲末蜜九口含化不限晝夜以口中有津

液爲度服盡復取含無忌

衍義

夜神丸中安神益氣清熱解渴瀉陰火泄腎邪滋肺胃清心脾乃真陰虧損三焦煽虐宜中寓補之劑故集驗因以命方云治腎消者主下焦熱能消

水殊非腎臟本虛之謂 酸棗丸中專以酸收爲

主惟取桂通陽氣葛行津液石蜜溫脾茯苓安胃

麥門冬滋肺枯蕞根止渴覆盆子助陽亦能收斂

千金衍義卷三

九

補藥山房

精血也

治消中日夜尿七八升者方

用鹿角炙令焦爲末以酒服五分七日三漸加

至方寸匕

又方

葵根如五升盆大兩束以水五斗煮取三斗宿

不食平旦一服三升

又方

瀉麻汁服一升佳

衍義

鹿角補腎強陰 葵根寒滑利竅一瀉麻水散血

通津 三方一飲陽精一利津竅一清胃熱各有

所宜

論曰強中之病莖長興盛不交津液白出也消渴之

後卽作癰疽皆由石熱凡如此等宜服猪腎薺萐湯

制腎中石熱也又宜服白鴨通湯 方見後二十六卷解石毒篇中

猪腎薺萐湯方

猪腎一具

大豆一升

薺萐

人參

石膏各三

茯神一作

磁石 綿裹

知母

葛根

枯蕞根

黃芩

甘艸各二

千金衍義卷三

十

補藥山房

右十二味咬咀以水一斗五升先煮猪腎大豆取

一斗去滓下藥煮取三升分三服渴卽飲之下焦

熱者夜輒合一劑病勢漸歇卽止

衍義

石藥之悍雖流布中外其毒必伏匿少陰經中所

以借水獸之腎引領薺萐專主強中之味與磁石

知母黑大豆同入腎經佐以石膏黃芩葛根甘艸

枯蕞根輔佐薺萐分解內外之毒製劑雖專不得

人參陽藥助胃以行其力則毒匿幽深何由發越

孰謂人參壅補熱邪而致扼腕耶

增損腎瀝湯 治腎氣不足消渴小便多腰痛方

羊腎具

遠志

人參

澤瀉

桂心

當歸

茯苓

龍骨

乾地黄

黃芩

甘艸

芎藭各二兩

麥門冬

五味子

生薑六兩

大棗

二十枚

右十六味以水一斗五升先煮羊腎取一斗二升

次下諸藥取三升分三服

義增損腎瀝湯有三一見脚氣一見腎臟皆主邪痺

胞中阻滯氣化小便滴瀝不通此治消渴小便多

千金要義卷王

士

婦人山房

亦用之者總取通調氣化使之無過不及之患較

腎臟門方則少石斛桑皮栝萸根較脚氣門中則

少磁石石脂防風黃芪半夏芍藥栝萸根而加黃

芩澤瀉此證小便雖多必頻數澀滯故取二味為

清熱利水嚮導專類羊腎引入腎臟與前方用猪

腎之意不殊

治下焦虛熱上注脾胃從脾胃上注於肺好渴利

方

竹葉

切三升

甘艸三兩

栝萸根

生薑

各五兩

麥門冬

茯苓各四兩

大棗三十枚

小麥

地骨皮各一升

右九味咬咀先以水三斗煮小麥取一斗去滓澄

清取八升去上沫取七升煮藥取三升為三服

義衍下利而渴燥熱無疑故用地骨皮治下焦熱甘艸

小麥治中焦熱竹葉栝萸根治上焦熱茯苓門冬

交通上下生薑大棗運行脾胃津為道熱之宣使

治渴利虛引飲不止消熱止渴方

竹葉

切二升

地骨皮

切一升

生地黄

切一升

生麥冬

半升

栝萸根

石密

各八分

茯苓

一作茯苓

萎蕤

知母

生薑

各四分

大棗三十枚

士

婦人山房

右十一味咬咀以水一斗二升煮取四升分四服

義衍此以地黃地骨治下焦熱石膏知母治中焦熱竹

葉栝萸根治上焦熱茯苓麥冬萎蕤交通上下生

薑大棗運行脾胃津為道熱之宣使前以中氣不充

故用甘艸小麥此以隔上蘊熱故用石膏知母不

得不少為變通

地黃丸 治面黃手足黃咽中乾燥短氣脈如逆

珠除熱止渴利補養方

生地黃汁

生栝萸汁

各二升

生羊脂

三升

白蜜四升

黃連一升

右五味合煎令可丸如梧子大飲服五九日二加至二十九若苦冷而渴渴瘳即宜別服溫藥

筋脈如連珠心脾結熱可知故用黃連專瀉二經之積熱地黃滋血枯蕒根滋津牛羊脂蜂蜜滋腸胃之枯燥也

治渴小便數方

貝母六分一作知母

茯苓

枯蕒根各四分

鉛丹一分

雞脰肝中黃皮十四枚

右五味治下飮飲服方寸七日三瘥後常服佳長

本草卷三

十一

攝集山房

服不絕則去鉛丹以蜜丸之用麥飲下

循此以陰火鼓激濁陰壅塞清陽而致燥渴故用鉛

丹鎮攝於下貝母開發於上枯蕒根清利於中茯苓通調氣化引

而渴自治矣

治渴利方

用生枯蕒根

三十斤切以水一石煮取一斗半

去滓以羊脂

五合煎取水盡以溫酒先食服如

雞子大日三

治渴小便利復非淋者方

用榆白皮二斤以水一斗煮取五升每服三

合日三

又方

小豆藿一把搗汁頓服三升

又方

取薔薇根水

煎服之佳用後以治腫中遺尿

又方

三年重鵲巢燒末以飲服之

肘後以治腫中遺尿

又方

桃膠如彈丸大含之咽津

本草卷三

古

攝集山房

又方

蠟如雞子大以酢一升煮二沸適寒溫頓服之

循枯蕒根專主熱中消渴煎用牛膝以助血氣服用

溫酒以行藥力

榆根白皮滑利小便 小豆藿

治膏粱積熱

薔薇根主消渴多尿 鵲重巢散

膀胱風氣

桃膠和血通津 蠟味至淡清胃解

毒得醋以斂逆上之氣

論曰凡人生放恣者衆盛壯之時不自慎惜快情縱

慾極意尿中漸至年長腎氣虛竭百病滋生又年少

懼不能房多服石散真氣既盡石氣孤立惟有虛耗

唇口乾焦精液自泄或小便赤黃大便乾實或渴而
且利日夜一石或渴而不利或不渴而利所食之物
悉化小便皆由房室不節所致也名為消渴但小便
利而不飲水者腎實也經云腎實則消消者不渴而
利是也所以服石之人小便利者石性歸腎腎得石
則實實則能消水凝故利利多則不能潤養五臟臟
衰則生諸病張仲景云熱結下焦則為溺血亦令人
淋閉不通內有熱者則喜渴除熱則止渴兼虛者須
除熱補虛則瘥矣

治不渴而小便大利遂至於死者方

千金要義卷三

圭

掃葉山房

用牡蠣五兩以患人尿三升煮取二升分再服

神驗

論中有云服石藥人小便利者石性歸腎腎得石
則實故專用牡蠣之鹹寒走腎不特散結兼能清
精以療小便之無度服用患人尿者取為導引病
氣之去路而石藥之毒亦得下降矣

治小便不禁日便一二斗或如血色方

麥冬

乾地黃各八

乾薑四兩

續斷

沙蒺藜子

桂心各三

甘艸一兩

右七味咬咀以水二斗煮取二升五合分三服
錄驗亦治腎消
脚瘦細小便數

小便不禁非屬腎臟無陽即係膀胱積血昔人有
云麥門冬以地黃為使服之令頭不白取其添精
滋血通腎氣也今與蒺藜續斷同用本經蒺藜條
下首言治惡血則小便之過利不禁或如血色為
積血無疑以血為陰類故使小便反多乾薑桂心
之陽藥既溫下焦虛寒并散膀胱虛熱一舉而兩
得之甘艸調和寒熱性味先哲治腎虛風襲肝傷
血結並用白蒺藜若固腎臟精氣則沙苑者為勝

千金要義卷三

圭

掃葉山房

所以混舉不分隨機應用可也

九房散 治小便多或不禁方

芡絲子

蒲黃

黃連各三

肉苁蓉二兩

硝石一兩

右五味治下篩并雞胓脰中黃皮三兩為散飲服

方寸七如人行十里久更服日三翼方有五味子
三兩空腹服

方中芡絲續絕傷補精氣蒲黃消瘀血止莖痛黃

連瀉心火除積熱從蓉助少火滋陰精硝石通固

結解石毒雞胓脰消積氣安腸胃能使便溺有常

妙用全在乎此

又方

鹿茸 三寸

桂心 一尺

附子 大者

澤瀉 三兩

躑躅

韭子 各一兩

右六味治下篩以漿水服五分七日三加至一錢

七

鹿茸桂附皆大溫峻補之藥得韭子之溫味專助

相火羊躑躅專搜經隧骨空中毒風澤瀉佐之使

風毒濁濕悉從水道開泄二味專為藥毒而設

黃芪湯 治消中虛勞少氣小便數方

黃芪

桂心

芍藥

當歸

甘艸

生薑

獨葉山房

黃芩

乾地黃

麥冬 各一兩

大棗 三十枚

右十味咬咀以水一斗煮取三升分三服日三

義 虛勞少氣是宿病故用黃芪甘艸歸芍地黃以資

氣血消中小便數是新病故用黃芩麥冬桂心薑

棗以通津液

棘刺丸 治男子百病小便過多失精方

棘刺

石龍芮

巴戟天 各二兩

厚朴

麥門冬

芡實子

草薢 外臺作

柏子仁

萎蕤

小艸

乾地黃

細辛

杜仲

牛膝

菴蓐

石斛

桂心

防葵 各一兩

烏頭 半兩

右十九味為末蜜和更搗五六千杵九如梧子大

飲下十九日三加至三十九以知為度

義 男子百病不獨指腎虛小便多而言木經棘刺主

治與皂刺不甚相遠別錄治丈夫虛損陰痿精自

出統領巴戟菴蓐兔絲牛膝門冬地黃杜仲小艸

草薢補腎益精功司開合足以充其所用至於烏

大

獨葉山房

頭防葵石龍芮厚朴等味非有固結滯氣奚以及

此再詳萎蕤柏子石斛細辛桂心通風利竅之治

則烏頭防葵石龍芮厚朴等藥可以默悟其微總

在攻補百病之列也

治尿數而多者方

用羊肝一具作羹內少羊肉和鹽豉如食法仕

性食三具

義 腎司閉藏肝司疎泄今以肝氣失職不能司統攝

之權故用羊肝以補用臍之虛和鹽豉者借以引

入腎家也

治消渴胃反而吐食者方

茯苓 八兩

澤瀉 四兩

白米

桂心

生薑

各三兩

甘艸 一兩

右六味咬咀以水一斗煮小麥三升取汁三升去

滓下藥煮取二升半每服八合日二

五苓散治水逆而渴此兼胃反嘔逆故去猪苓而

易甘艸以和胃氣生薑以止嘔逆先煮小麥汁煎

服者助肝氣之生發也

又方

金匱要略卷三

五

橘葉山房

取屋上瓦三十年者碎如雀腦三升東流水二

石煮二斗內藥如左方

白朮

乾地黄

生薑

人參

橘皮

甘艸

黃芪

遠志

桂心

當歸

芍藥

各二兩

大棗 三十枚

右十二味咬咀內五汁中煮取三升分四服或單

汁亦佳

於黃芪建中方內加參朮以助脾胃之氣歸地以

資肝腎之血橘皮遠志清中利竅并取陳年戎藥

受日月之光華雨露之濡澤而流行有節用以者

汁煎藥助諸藥清熱利水之功也

治熱病後虛熱渴四肢煩疼方

葛根 一斤

人參

甘艸 各一兩

竹葉 一把

右四味咬咀以水一斗五升煮取五升渴即飲之

日三夜二

人參甘艸資助通調之力葛根流行阻遏之津竹

葉清解膈上之火則病後虛熱悉從水道疎泄而

虛熱口渴四肢反疼不治而治矣

千金方卷三

三

橘葉山房

骨填煎 治虛勞渴無不效方

茯苓

兔絲子

當歸

山茱萸

牛膝

五味子

附子

巴戟天

石膏

麥冬 各三兩

石葦

人參

茯苓 各三兩

桂心 各四兩

大豆卷 升一

天冬 五兩

右十六味為末次取生地黃枯婁根各十斤搗絞

取汁於微火上煎減半便作數分內藥并下白蜜

三斤牛髓一斤微火煎令如糜食如雞子黃六

三亦可飲服之

方中益氣資精清熱利水諸品專 下髓補中填

骨髓之功故云骨填煎云

茯神散 治虛熱四肢羸乏渴熱不止消渴補虛

方

茯神

茯苓

萎蕤各四兩

生石斛

黃連各八兩

栝蒌根

丹參各五兩

甘艸

五味子

知母

當歸

人參各三兩

麥藥

三升外臺

王聖惠方

王

掃葉山房

右十三味為末以絹袋盛三方寸七水三升煮取

一升日二服一作一服

義衍 三焦之治與腎臟之治截然兩途腎臟陰虛而用

壯水之劑不得雜以補氣之味恐其留戀陰藥於

上泥膈奪食轉增滯漫非若益火消陰宜兼補氣

以資陽生陰長之功也三焦本屬相火所以用從

蓉五味知母滋培下焦黃連麥藥石斛清理中焦

茯神萎蕤栝蒌滋養上焦又須人參甘艸匡扶胃

氣當歸丹參調和營血則三焦之火得以涵養而

無欬起之患矣

枸杞湯 治虛勞口中苦渴骨節煩熱或寒者方

枸杞根白皮切 麥門冬三升 小麥三升

右三味以水二斗煮麥熟藥成去滓每服一升日

再

義衍 枸杞清熱門冬滋津專賴小麥鼓舞生陽之氣

巴郡太守奏三黃丸 治男子五勞七傷消渴不

生肌肉婦人帶下手足寒熱者方

春三月黃芩四兩 大黃三兩 黃連四兩

夏三月黃芩六兩 大黃二兩 黃連七兩

秋三月黃芩六兩 大黃二兩 黃連三兩

冬三月黃芩三兩 大黃五兩 黃連二兩

右三味隨時加減和搗以蜜為丸如大豆飲服五

九日三不知稍加至七九取下而已一月病愈久

服走逐奔馬常試有驗一本云夏三月不服

義衍 巴蜀風土剛厚民多血氣剛強雖有勞傷消渴肌

肉不生多屬水虧火旺故巴郡所奏之方專取伊

尹三黃隨四序而為加減在春陽氣方強之時雖

當寒折祇宜平調以分解之夏月陰氣在內總有

濕熱僅堪以苦燥之入秋燥令司權熱邪傷表居

多故取輕劑以外泄之嚴冬陽氣潛藏熱邪內伏

專事苦寒以內奪之藥雖峻削日服無幾可無傷
中之慮婦人濕熱帶下亦不出此久服走逐奔馬
者濕熱去而筋經蹻捷也然須諒人元氣而施若
津枯血燥慎勿誤投以取虛乏之咎

治熱渴頭痛壯熱及婦人血氣上衝悶不堪者方
茅根三升切三搗取汁令盡渴即飲之

治熱渴頭痛壯熱胃熱上蒸無疑故專取茅根一味
清熱利水為務

治嶺南山瘴風熱毒氣入腎中變寒熱脚弱虛滿
而渴方

黃連不限多少生括葉根搗生地黄汁

羊乳汁右四味以三汁和黃連末為丸空腹飲服三十九

如梧子大漸加至四十九日三重病五日瘥輕者
三日瘥無羊乳牛乳人乳亦得若藥苦難服即煮

小麥粥飲服之主虛熱張文仲云名黃連

風瘴濕熱乘虛襲人故用黃連清燥為主兼括葉
根滋津生地黄滋血羊乳兼滋津血以和黃連之

燥
阿膠湯治虛熱小便利而多服不散人虛熱當

風取冷患脚氣喜發動兼消渴腎脈細弱方
阿膠二挺麻子一升附子一枚

乾薑二兩遠志四兩右五味為末以水七升煮取二升半去滓內膠令

烊分三服說云小便利多白日夜數十行至一石
頻服五日良

小便清利而渴雨尺脈細而弱真陽失職於下石
散毒發於上故用薑附以救下虛遠志以利腎竅

阿膠以滋陰血麻仁以潤脾津并解石散之毒也
灸法

論曰凡消渴病經百日以上者不得灸刺灸刺則於
瘡上漏膿水不歇遂至癰疽羸瘦而死亦忌有所誤

傷但作鍼許大瘡所飲之水皆於瘡中變成膿水而
出若水出不止者必死慎之慎之初得患者可如方

灸刺之
治消渴咽喉乾灸胃脘下脘三穴各百壯穴在背第

八椎下橫三寸云灸胸堂五十壯

治消渴口乾不可忍者灸小腸腧百壯橫三寸間灸

之
消渴口乾煩悶灸足厥陰百壯又灸陽池五十壯